



Халқ сўзи

Ўзбекистон —
Келажаги
Буюк
Давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2016 йил 4 октябрь, № 195 (6630)

Сешанба

Сайтимиғизга ўтиш учун QR-коднинг телефонингиз орқали сканер қилинг.



КУН ТАРТИБИДА — ҲАЁТИЙ ДОЛЗАРБ МАСАЛАЛАР

Ўзбекистон Республикаси Президенти вазифасини бажарувчи, мамлакатимиз Бош вазири Шавкат Мирзиёев жойларда ижтимоий-иқтисодий ислохотларнинг бориши, sanoat, қишлоқ хўжалиги ва ижтимоий соҳаларда амалга оширилаётган кенг қўламли ишлар билан яқиндан танишиш мақсадида шу йилнинг 1 октябры куни Сирдарё вилоятига ташриф буюрди.

Ўзбекистон Республикасининг Биринчи Президенти Ислон Каримов раҳнамолигида мустақиллик йилларида мамлакатимизнинг барча ҳудудиди бўлгани каби Сирдарё вилоятида ҳам улкан бунёдкорлик ва ободонлаштириш ишлари амалга оширилди. Бунинг самарасида вилоят маркази, шаҳар ва қишлоқларнинг қиёфаси тубдан ўзгарди, аҳолининг ҳаёт даражаси юксалиб бормоқда.

Шавкат Мирзиёев Ширин шаҳридаги минтақадаги энг йирик Сирдарё иссиқлик электр станциясида бўлди. Бу корхона Ўзбекистон энергия тизимининг марказий қисми истеъмолчиларини энергия билан таъминлайдиган асосий манба ҳисобланади.

Умумий қуввати 3050 МВт бўлган 10 энергия блокдан иборат ушбу иссиқлик электр станциясида йилга 16,1 миллиард кВт/соат электр энергияси ишлаб чиқарилади.

Мазкур корхона 1972 — 1981 йилларда босқичма-босқич фойдаланишга топширилган бўлиб, мавжуд асбоб-ускуналар эскиргани ишлаб чиқариш қуввати пайсига олиб келмоқда. Шу сабабли бу ерда сўнгги йилларда мунтазам реконструкция ишлари амалга оширилаётган. Мамлакатимиз Биринчи Президентининг «Сирдарё иссиқлик электр

станциясидаги иккита энергоблокни тўлиқ модернизация қилиш» инвестицион лойиҳасини амалга ошириш чора-тадбирлари тўғрисида»ги қарорига мунофиқ, 2014 йилнинг июль ойида 2015 йилнинг март ойида қадар иккита энергоблок модернизация қилинди.

Шавкат Мирзиёев мутахассислар билан Сирдарё иссиқлик электр станцияси қувватини ошириш, ишлаб турган энергоблокларни модернизациялаш масалаларини муҳокама қилди. Корхонада ишлаб чиқарилаётган электр энергияси таннархини пайсатириш, станция ускуналарини таъмирлаш учун зарур эҳтиёт қисмлар ишлаб чиқаришни маҳаллийлаштириш бўйича тегишли топшириқлар берилди. Истеъмол қилинган электр энергияси учун тўловларни ўз вақтида амалга оширишни таъминлаш, электр энергияси ҳисобини назорат қилишнинг автоматлаштирилган тизимини жадал жорий этишга алоҳида эътибор қаратилди.

Шавкат Мирзиёев вилоят марказидаги «Гулистон медтехника» Ўзбекистон — Буюк Британия қўшма корхонасида ҳам бўлди. Жанубий Кореяда ишлаб чиқарилаётган замонавий асбоб-ускуналар билан жиҳозланган, шу йилнинг 1 октябрыдан дастлабки маҳсулот ишлаб чиқаришни бош-

лаган мазкур қўшма корхонани барпо этиш учун 7,3 миллион АҚШ доллари йўналтирилган.

Янги корхонада йилга 216 миллион дон шприц ва 26 миллион дон инфузия системаси ишлаб чиқарилади. Ушбу маҳсулотларни ички бозордан ташқари Россия, Қозғоғистон, Қирғизистон ва Туркменистонга ҳам экспорт қилиш режалаштирилмоқда. Қўшма корхонадаги 210 иш ўрнининг ярмига касб-хўнара коллежлари битирувчилари қабул қилинган, айниқса, эътиборлидир.

Шавкат Мирзиёев Гулистон шаҳрида кам таъминланган оилалар учун бунёд этилиши режалаштирилаётган кўп қаватли маҳаллийлаштириш бўйича тегишли топшириқлар берилди. Вилоятнинг шаҳар ва туманлари марказларида янги уй-жойлар барпо этиш, муҳандислик-коммуникация ва ижтимоий инфратузилмани янада ривожлантириш, ободонлаштириш ва кўкalamзорлаштириш ишларини амалга ошириш кўзда тутилган истиқболли бош режаларини татбиқ этиш асосида аҳолининг ҳаёт даражаси ва сифатини янада яхшилашга доир масалалар муҳокама қилинди. Шунингдек, вилоятнинг экспорт салоҳиятини ошириш, тадбиркорларнинг ташаббусларини қўллаб-қувватлаш бўйича долзарб вазифалар

белгилаб олинди. Йиғим-терим ишлари, кузги экинларни экиш, қишлоқ хўжалиги маҳсулотлари захирасини ғамлаш, уй-жойлар ва ижтимоий иншоотларнинг кузги-қишқи мавсумга тайёргарлик, sanoat ва вилоят иқтисодиётининг бошқа соҳалари узлуксиз ишлашини таъминлаш масалалари бўйича аниқ топшириқлар берилди.

Йиғилишда Гулистон тумани мисолида вилоятни истиқболда ижтимоий-иқтисодий ривожлантиришнинг комплекс дастури кўриб чиқилди. Хусусан, яқин икки йилда ушбу туманда қарийб 900 та иш ўрни яратиш имконини берадиган 11 sanoat корхонаси ташкил этиш режалаштирилмоқда. Бу ерда ишлаб чиқарилаётган маҳсулотларни ички бозорда сотиш билан бирга, ташқи бозорга чиқариш ҳам мўлжалланапти.

Йиғилишда Шавкат Мирзиёев вилоят раҳбарлари ва фаолларини ҳукумат порталида очилган Бош вазирнинг виртуал қабулхонаси манзилига худуд аҳолисида келаётган муносабатлар билан таништирди. Вилоят мутасаддиларига ушбу масалаларни кўриб чиқиш ва тезкор ҳал қилиш бўйича аниқ кўрсатмалар берилди.

Анвар САМАДОВ,
ЎЗА махсус мухбири.

САЙЛОВ — 2016

Шу йилнинг 3 октябры куни Ўзбекистон Республикаси Президенти сайловини ёритиш бўйича Республика матбуот марказида Ўзбекистон Республикаси Марказий сайлов комиссиясининг мажлиси бўлиб ўтди.

Марказий сайлов комиссиясининг онлайн мажлиси

Видеоконференцалока шаклида ташкиллаштирилган мажлисда Ўзбекистон Республикаси Президенти сайловини ўтказувчи округ сайлов комиссияларининг аъзолари, сайловда иштирок этувчи сиёсий партиялар ва оммавий ахборот воситалари вакиллари қатнашди.

Марказий сайлов комиссияси Раиси М. Абдусаломов олиб борган мажлисда мамлакатимизнинг хорижий давлатлардаги ваколатхоналари хузурида Ўзбекистон Республикаси Президенти сайловини ўтказувчи 44 та сайлов участкасини тузиш ҳамда уларни 14-Тошкент шаҳар сайлов округига бириктириш тўғрисида қарор қабул қилди.

Мажлисда сиёсий партиялар томонидан тақдим этилаётган имзо варақалари тўғри тўлдирилганлигини текшириш бўйича Марказий сайлов комиссияси хузурида ишчи гуруҳлари тузиш тўғрисида қарор қабул қилинди.

Мажлисда сиёсий партиялар томонидан тақдим этилаётган имзо варақалари тўғри тўлдирилганлигини текшириш бўйича Марказий сайлов комиссияси хузурида ишчи гуруҳлари тузиш тўғрисида қарор қабул қилинди.

(Давоми 2-бетда).

ЎЗАРО МАНФААТЛИ ЛОЙИҲАЛАР МУҲОКАМА ҚИЛИНДИ

Пойтахтимизда 3 октябры куни шаҳар инфратузилмасини ривожлантириш бўйича Ўзбекистон — Япония конференцияси бўлиб ўтди.

Ўзбекистон Республикаси ахборот технологиялари ва коммуникацияларини ривожлантириш вазирининг биринчи ўринбосари А. Файзуллаев, фавқулодда вазиятлар вазирининг биринчи ўринбосари К. Арипов, ташқи ишлар вазири ўринбосари Ф. Фозилов, ташқи иқтисодий алоқалар, инвестициялар ва савдо вазирининг ўринбосари Ш. Тўлаганов, иқтисодий вазирининг ўринбосари Ш. Файзуллаев, Ўзбекистон Савдо-саноат палатаси раиси А. Шайхов, Тошкент шаҳар ҳокимининг биринчи ўринбосари М. Обидов, Япониянинг ердан фойдаланиш,

инфратузилма, транспорт ва сайёҳлик вазири ўринбосари Х. Ханаока ҳамда бошқалар Ўзбекистон билан Япония ўртасидаги ҳамкорлик самаралари ҳақида сўз юритди. Мамлакатларимиз ўртасидаги муносабатлар стратегик шериклик даражасига кўтарилган. Ўзбекистон Республикаси Биринчи Президенти Ислон Каримовнинг 2002 йил июль ойида Японияга расмий ташрифи чоғида Дўстлик, стратегик шериклик ва ҳамкорлик тўғрисидаги қўшма баёнот имзоланган.

(Давоми 2-бетда).

Эъзоз ва эҳтиромдан мамнунмиз

Ёш авлодга билим бериш, қалбига Ватанга муҳаббат ва садоқат туйғуларини синдириш, комил инсон бўлиб вояга етишига ҳисса қўлиш ҳар бир ўқитувчи, мураббий учун катта масъулият, айна пайтда шарафдир.

ДИЛ СЎЗИ

Ўқувчиларимиз ҳаётда ўз ўрнини топса, оиласи, шу муқаддас юрт, унинг равнақи йўлида фидокорона меҳнат қилса — демаски, вазирамизни тўғри, ҳалол бажарган бўламиз. Бинобарин, давлатимиз соҳа ходимларини ҳаммиса қўллаб-қувватлаб, барча имкониятни яратиш бермоқда.

Бундан 19 йил олдин мамлакатимизнинг Биринчи Президенти Ислон Каримов ташаббуси билан ўқитувчи ва мураббийлар кунининг умумхаўқ байрами сифатида таъсис этилгани ҳам бизга кўрса-

тилган чексиз эътиборнинг ёрқин ифодасидир. Мазкур сана муносабати билан ўтган ҳафтада Ўзбекистон Республикаси Президенти вазифасини бажарувчи Шавкат Мирзиёевнинг йўлаган табриғида ҳам мустақиллигимиз асосчиси, буюк давлат арбоби, халқимизнинг қалбидан абадий жой олган улуг инсон Ислон Каримовнинг таълим соҳаси ривожидидаги улкан хизматлари яна бир қарра таъкидлангани дилнимиздаги фикрларнинг акс садо-си бўлди.

(Давоми 2-бетда).

Ёшлар учун замонавий уй-жойлар

Ҳар бир ота-она фарзандлари камолини, бахту садоқатини қўришни истайди, «Уғил-қизларим ҳеч кимдан кам бўлмай вояга етса, яхши ўқиб, ҳаётда ўз ўрнини топса», дея ният қилади. Ана шундай

ФАМХЎРЛИК

Эзгу тилакларнинг рўёбга чиқиши учун давлатимиз томонидан амалий сайёҳаракатлар олиб боришмоқда. Навқирон авлод таълим-тарбияси, касб-хўнара ўрганиши, муносиб турмуш шароитига эга бўлиши йўлида кенг имкониятлар яратилиб, катта куч ва маблағ сарфланапти.

(Давоми 4-бетда).



4 ДЕКАБРЬ — САЙЛОВ КУНИ

Ўзбекистон Республикаси Конституциясининг 96, 117-моддалари ҳамда «Ўзбекистон Республикаси Президенти сайлови тўғрисида»ги Қонунга мувофиқ, жорий йилнинг декабрь ойида Ўзбекистон Республикаси Президенти сайлови бўлиб ўтади.

Энг муҳим демократик тамойиллар ва меъёрлар асосида

Шу муносабат билан Марказий сайлов комиссияси томонидан тасдиқланган мазкур сиёсий тadbирга тайёргарлик қўриш ва уни ўтказиш бўйича Асосий тadbирлар дастури изчил амалга оширилаяпти.

Ҳуқуқий демократик давлат ҳамда ошқ фуқаролик жамиятини барпо этиш халқ ҳокимиятичилиги конституциявий тамойилларини рўёбга чиқариш, демократик сайловларни ташкил қилиш ва ўтказиш учун зарур шароит яратиш билан узвий боғлиқдир.

Демократик ҳуқуқий давлатнинг шаклланиш шароитида сайлов институти халқ ҳокимиятичилигини амалга

оширишнинг реал механизми ҳисобланади. Бу Инсон ҳуқуқлари умумжаҳон декларацияси қондаларида ҳам ўз ифодасини топган. Чунинчи, мазкур муҳим халқаро ҳужжатнинг 21-моддасида халқ иродаси ҳукумат ҳокимиятининг асоси бўлиши, бу ирода даврий ва сохталаштирилмаган, яъни ва тенг сайлов ҳуқуқидан, яширин овоз бериш йўли билан ёки овоз бериш эркинлигини таъминлайдиган бошқа тенг қийматли шакллар воситасида ўтказиладиган сайловларда ўз аксини топиши лозимлиги белгилаб қўйилган. Бундай норма 1966 йилги Фуқаролик ва сиёсий ҳуқуқлар

тўғрисидаги халқаро пактда ҳам акс этган.

Сайловлар замонавий демократиянинг муҳим институти, халқ ўзи хоҳиш-иродасини билдириши ҳамда сиёсий жараёнларда, жамият ва давлат ишларини бошқаришда, шу жумладан, ҳокимиятнинг вакиллик органларини шакллантиришда иштирок этишнинг асосий воситаларидан бири ҳисобланади. Эркин сайловлар нафақат ҳокимиятни шакллантириш тамойили, айна пайтда унинг халқ олдидаги жавобгарлиги ифодаси ҳамдир.

(Давоми 2-бетда).

Қонун устуворлигини таъминлашнинг бош мезони

Жорий йил 17 сентябрда матбуотда эълон қилинган «Ички ишлар органлари тўғрисида»ги Ўзбекистон Республикасининг Қонуни ички ишлар органлари мақоми, фаолиятининг шакл ҳамда усулларини ҳар томонлама тартибга солиш баробарида, унинг кенг қўламли ишини янги босқичга кўтаришга хизмат этиши билан ниҳоятда кучга киради. «Халқ сўзи» мухбири ушбу Қонуннинг мазмун-моҳияти ва ҳаётий зарурати ҳақида парламент аъзолари ҳамда мутахассислар фикрлари билан қизиқди.

ЯНГИ ҚОНУНЛАР

Акмал РАҲМОНОВ,
Ўзбекистон Республикаси Олий Мажлиси Қонунчилик палатасининг Мудофаа ва хавфсизлик масалалари кўмитаси раиси ўринбосари:

— Юртимизда олиб борилаётган кенг қўламли ислохотлар туб моҳиятида ҳуқуқий демократик давлат қуриш, кучли фуқаролик жамияти барпо этиш, қонун устуворлигини таъминлаш, шу орқали тинчлик-тотувликни асраш ҳамда уни янада мустаҳкамлаш каби эзгу мақсадлар мужассам. Зеро, қонунга риоя қилинган жойда тартиб-интизом бўлади, фуқароларнинг ҳуқуқ ва ман-

фаатлари таъминланади. Мамлакатда хотиржамлик ҳукм суриши, аҳолининг осуда ҳаёт кечириши, эркинликлари муҳофаза этилиши, кўп жиҳатдан, ички ишлар тизими фаолиятига бевосита боғлиқ.

Мазкур Қонунни ишлаб чиқиш жараёнининг ўзига хос жиҳатларига тўхталиб ўтадиган бўлсак, унга кенг жамоатчилик, амалиётчи мутахассис, эксперт ҳамда олимлар жалб қилиниши унинг замонавий талабларга ва амалдаги қонун ҳужжатларига уйғун бўлиши учун шароит яратганини қайд этиш жоиз.

(Давоми 2-бетда).

